



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Antonii Bynaei de Calceis Hebraeorum Libri Duo

**Bynaeus, Anthony**

**Dordraci, 1682**

Hebræorum calceos ex pellibus videri.

**urn:nbn:de:hbz:466:1-12835**



22 DE CALCEIS HEBRÆOR.

— ubi papyri copia est frequentior, ex papyro calceamenti genus familiare fuit. E sparto Hispanis calceos gestare in more fuit positum. Lintheis calceamenti Imperator Antoninus cognomento Philosophus, & permulti alii ejus exemplo sunt usi. Indorum calcei lignei fuerunt. De quibus omnibus egit prolixè doctissimus Balduinus. Sed è qua materia confecti fuerint Hebræorum calcei non adeo liquet. Si tamen datur conjecturæ locus, eos ex pellibus aut corio fuisse diceremus, quale genus non vestium tantum sed etiam calceorum, & antiquissimum & à multis populis usitatum fuit.

Bald. de  
Calc. Ant.  
cap. 3. 4.  
5. 6.

II. A vetustissimis temporibus vestes ex pellibus in usu fuisse, nemo, nisi hospes in literis, ignorare potest. Prisci Heroes, apri, aut tigridis, aut leonis exuviis, aut pelle Lybystidos ursæ, aut hinnulli, aut vulpis induebantur. Quod quidem tritum est & à pluribus animadversum. Pellibus tectæ non solum fuerunt gentes barbaræ Hunni, Hungari, Getae, Germani veteres, Indi, Parthi, (quo-



(quorum regis statuum gausapam & pellitam, olim à Cavallerio editam, exhibet vir magni ingenii & doctrinæ Octavius Ferrarius) Schytæ (quomodo & hodie Tartaris atque Muscovitis nihil est frequentius) uti jam dudum docuerunt homines eruditi, verum etiam Græci atque Romani. Media in Græcia rusticos senes Aristophanes inducit *δὲ φθέρῃσι* vestitos, quod quidem genus vestimenti ex caprarum pellibus confecti fuit, uti præclare observavit magnus Doctor meus Johannes Georgius Grævius, cui præcipue debetur, quod literarum nomen, in fœderata Belgica, non extinguatur. Ipsa Romanorum curia, quæ postea nituit prætexto Senatu, olim

Ferrar. de  
Re vest.  
P. 2. lib. I.  
cap. 8.

Aristoph.  
in Νεφέλ.  
Act. I. 5. 7.

Grævii.  
Lect.  
Hesiod.  
pag. 69.

*Pellitos habuit, rusticaeorida, patres.*

Prop. lib.  
4. Eleg. 1.  
Lucret.  
lib. 5.

*Nempe Pellibus, & spoliis corpus vestire ferarum,*

apud plurimas gentes olim obtinuit, non tam ex eo quod hominibus obvium maxime videatur ferarum & pecudum pelle vestiri; quam quidem, quod pellium in vesti-

vesti-



Gen. 3. 21. vestimentis usum Deus docuerit  
 qui primus *Adamo & uxori ejus*  
*tunicas pelliceas fecit, & induit eos.*

III. Uti vestimenta priscorum  
 mortalium pellicea fuerunt, ita &  
 calcei ex pellibus fiebant. Ab  
 antiquissimis temporibus pelles  
 plurimum consuendis calceis ma-  
 teriam præbuerunt. Et quidem  
 vetustissimis hominibus is usus vi-  
 detur, ut quandam pellis particu-  
 lam sive crudum corium pedibus  
 subligarent, quod vicem calcei  
 præstabat. Sic capio verba Xeno-  
 phontis, quæ Latinè reddidit vi-  
 politissimus Angelus Politianus.  
*Cum defecissent veteres calcei, habebant*  
*ex recentibus coriis bubulis car-*  
*batinas confectas.* Deinde, ut in  
 dies passim crescunt artes, ita &  
 mollire ferarum pelles, & soles  
 concinniores, deinde calceos con-  
 ficere, hominum industria invenit.  
 Sed apud omnes ferè populos pel-  
 les & corium vulgatissima calceo-  
 rum materia fuit, uti & nostro  
 tempore id ipsum obtinet. Non  
 enim barbari illi tantum, qui ple-  
 rumque pellibus induebantur, pe-  
 des eodem tegumento munierunt,  
 quo-

Polit.  
 Miscellan.  
 cap. 2.